

BOSNA I HERCEGOVINA
PARLAMENTARNA O SKUPŠTINA
PREDSTAVNIČKI DOM
Komisija za administrativna pitanja
Broj: 01/7-011-257/01
Sarajevo, 16. 05. 2001.god

Z A P I S N I K

3. sjednice Komisije za administrativna pitanja Predstavničkog doma
Parlamentarne skupštine Bosne i Hercegovine, održane 16. 05. 2001. godine

Sjednica je počela s radom u 11,40 sati.

Sjednici su prisustvovali: Sead Avdić, predsjedavajući i članovi: Mirko Banjac, Adem Borić, Branislava Ferzanović, Amor Mašović i Nedžad Šašivarević.

Sjednici nisu prisustvovali: Branislav Lolić, Marko Amadžić i Zdenko Vukić.

Pored članova Komisije, sjednici su prisustvovali: Branka Todorović i Vedran Hadžović, ispred Sekretarijata.

Za sjednicu je predložen i usvojen sljedeći

D N E V N I R E D:

1. Usvajanje zapisnika 2. sjednice Komisije za administrativna pitanja Predstavničkog doma od 22. 02. 2001. godine;
2. Razmatranje prava i dužnosti poslanika i funkcionera u Predstavničkom domu;
3. Razmatranje prava i dužnosti službenika i namještenika u Sekretarijatu Parlamentarne skupštine Bosne i Hercegovine;
4. Odluka Komisije za administrativna pitanja o finansiranju parlamentarnih grupa, i
5. Tekuća pitanja.

AD. 1:

Komisija je usvojila zapisnik 2. sjednice Komisije za administrativna pitanja Predstavničkog doma od 22. 02. 2001. godine.

AD. 2.

Komisija je razmatrala izmjene i dopune Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine i zaključila da se izvrše sljedeće izmjene i dopune:

- Potrebno je preispitati koeficijente za obračun plaća predsjedavajućih, zamjenika predsjedavajućih, predsjednika radnih komisija i poslanika, uzimajući u obzir koeficijente u Predsjedništvu i Vijeću ministara BiH.

- U Odjeljku 6. " NAKNADA ZA ODVOJENI ŽIVOT", u tački XVI, izvršiti sljedeće izmjene i dopune:

" Predsjedavajući i zamjenici predsjedavajućih domova obavezno, te predsjedavajući komisija domova za koje pojedinačno nadležna komisija odgovarajućeg doma odobri, a koji ostvaruju prava iz radnog odnosa u Parlamentarnoj skupštini Bosne i Hercegovine i koji rade van mjesta prebivališta njihove porodice, pripada naknada za odvojeni život od porodice u iznosu od 400 KM mjesečno - ako u iznosu naknade za korištenje smještaja nisu uključeni troškovi ishrane, kao i pravo na zakup stana u visini do 500 km mjesečno.

Poslanik i delegat koji ostvaruje prava iz stava 1. ove tačke nema pravo na dnevnice i putne troškove vezane za sudjelovanje u radu sjednica domova i komisija i ima pravo dva puta mjesečno na naknadu troškova prijevoza do mjesta prebivališta njegove porodice."

- U Odjeljku 7. NAKNADA ZA TOPLI OBROK", u tački XVII, izvršiti sljedeće izmjene i dopune:

"Novčana naknada za ishranu tokom rada (topli obrok) za poslanika i delegata koji ostvaruje prava iz stava 1. tačke XVI ove odluke iznosi dnevno 8 KM.

Poslaniku i delegatu ne pripada naknada za ishranu za dane kad je odsutan s posla po bilo kojem osnovu (službeni put, godišnji odmor, bolovanje i sl.)."

- U Odjeljku 11. "NAKNADE ZA KORIŠTENJE HOTELSKOG I PRIVATNOG SMJEŠTAJA", u tački XXI, izvršiti sljedeće izmjene i dopune:

" Poslanici i delegati imaju pravo na hotelski smještaj u visini do 100 KM dnevno, odnosno na privatni smještaj u visini do 60 KM, vezan za sudjelovanje u radu sjednica domova i komisija, ako je mjesto njihovog prebivališta udaljeno više od 80 km. od mjesta rada."

- Iza odjeljka 13, potrebno je dodati novi odjeljak 14. "Ostale naknade", i novi član: XXIII a), koji glasi:

"Predsjedavajući Zastupničkog doma Parlamentarne skupštine BiH, Predsjedatelj Doma naroda Parlamentarne skupštine BiH, zamjenici predsjedatelja Zastupničkog doma Parlamentarne skupštine BiH i zamjenici predsjedatelja Doma naroda Parlamentarne skupštine BiH imaju pravo na mjesečnu reprezentaciju u iznosu do 500 KM. i pravo na naknadu za korištenje mobitela u iznosu od 250 KM. mjesečno.

Predsjedavajući komisija Zastupničkog doma i Doma naroda Parlamentarne skupštine BiH imaju pravo na reprezentaciju u iznosu od 200 KM. i pravo na naknadu za korištenje mobitela u iznosu od 150 KM. mjesečno."

- Takođe je predloženo da predsjedavajući komisija Zastupničkog doma i Doma naroda Parlamentarne skupštine BiH imaju pravo na vozača, na osnovu ugovora o djelu, na iznos do 400 KM. Vozači bi imali pravo na dnevnice i troškove smještaja, vezano za sudjelovanje predsjedavajućih komisija u radu sjednica domova i komisija.

Zaključeno je da se Komisiji za finansijske i administrativna pitanja Doma naroda prenesu navedeni stavovi i pokušaju se usaglasiti, kako bi obje komisije donijele odluke u istovjetnom tekstu.

AD. 3:

Komisija je razmatrala izmjene i dopune Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, i zaključila da se izvrše sljedeće izmjene i dopune:

- U članu 5. Koeficijenti:

Koeficijenti za obračun plaća državnih službenika u Parlamentarnoj skupštini Bosne i Hercegovine su:

Platni razred	unapr eđenje	Kategorija državnog službenika	Koeficijen t
IV		Funkcioneri	5.5
III	I	Rukovodni radnici	5.0
III	II	Rukovodni radnici	4.7
III	III	Rukovodni radnici	4.4
II	I	Viši stručni saradnici	4.4
II	II	Viši stručni saradnici	4.1
II	III	Viši stručni saradnici	3.8

I	I	Stručni saradnici	3.8
I	II	Stručni saradnici	3.5
I	III	Stručni saradnici	3.2

- U članu 22. 2. "Plaće namještenika":

Koeficijenti za obračun plaća namještenika u Parlamentarnoj skupštini Bosne i Hercegovine su:

IV	Namještenici	3.2
III		2.8
II	Namještenici	2.4
I	Namještenici	1.7

- U članu 21. dodaje se novi stav 1. koji glasi:

"1. Sekretar Zajedničke službe Parlamentarne skupštine BiH, sekretar Zastupničkog doma Parlamentarne skupštine BiH i sekretar Doma naroda Parlamentarne skupštine BiH imaju pravo na reprezentaciju u iznosu od 200 KM, kao i pravo na naknadu za korištenje mobitela u iznosu do 150 KM"

Vozači u Parlamentarnoj skupštini BiH imaju pravo na naknadu za korištenje mobitela u iznosu do 100 KM."

AD. 4: Komisija je jednoglasno donijela sljedeću:

**O D L U K U O PRERASPODJELI FINANSIJSKIH SREDSTAVA ZA RAD
PARLAMENTARNIH GRUPA U PARLAMENTARNOJ SKUPŠTINI BOSNE I
HERCEGOVINE**

I

Klubovi poslanika u Predstavničkom domu i klubovi delegata konstitutivnih naroda u Domu naroda Parlamentarne skupštine Bosne i Hercegovine (u daljem tekstu: "parlamentarne grupe") finansiraju se iz sredstava koja su budžetom institucija Bosne i Hercegovine utvrđena za finansiranje parlamentarnih grupa.

II

Od ukupno budžetom predviđenih sredstava za finansiranje parlamentarnih grupa, 30% sredstava se raspoređuje jednako svakoj parlamentarnoj grupi, dok se 70% sredstava raspoređuje srazmjerno broju poslaničkih odnosno delegatskih mjesta koje svaka parlamentarna grupa ima u trenutku raspodjele.

III

Parlamentarne grupe samostalno odlučuju o načinu raspolaganja i korištenja sredstava iz tačke II ove odluke i dužni su da podnesu godišnji izvještaj o utrošku i namjeni sredstva nadležnoj komisiji doma Parlamentarne skupštine Bosne i Hercegovine.

IV

Parlamentarne grupe raspolažu sredstvima iz tačke II ove odluke u skladu sa dinamikom i visinom finansiranja ovih sredstava iz Budžeta institucija Bosne i Hercegovine.

V

Nalogodavac za upotrebu sredstava parlamentarne grupe je predsjedavajući parlamentarne grupe ili druga osoba koju predsjedavajući ovlasti. Sekretar Zajedničke službe Parlamentarne skupštine Bosne i Hercegovine je dužan da obezbijedi računovodstveno praćenje sredstava za finansiranje parlamentarnih grupa.

VI

Ova odluka stupa na snagu danom donošenja, a primjenjivat će se od 1. januara 2001.godine."

AD. 5:

a) Na osnovu člana 12. stav 2. Zakona o izvršenju Budžeta institucija BiH i međunarodnih obaveza BiH za 2001. godinu ("Službeni glasnik BiH", broj:9/01), člana 42. 2. Poslovnika Predstavničkog doma Parlamentarne skupštine Bosne i Hercegovine, Komisija je jednoglasno donijela **Odluku o podnošenju zahtjeva Vijeću ministara BiH za odobrenje isplate dodatnih sredstava iz tekuće rezerve Budžetu institucija BiH i međunarodnih obaveza BiH za 2001. godinu u iznosu od 36.432,28 KM**

Ova odluka je donesena uz obrazloženje da u Budžetu institucija BiH i međunarodnih obaveza BiH za 2001. godinu, u rashodima za Parlamentarnu skupštinu Bosne i Hercegovine, nisu predviđena sredstva za nabavku opreme. Na osnovu člana 12. stav 2. Zakona o izvršenju Budžeta institucija BiH i međunarodnih obaveza BiH za 2001. godinu ("Službeni glasnik BiH", broj:9/01), o dodatnim sredstvima iz tekuće rezerve Budžeta odlučuje Vijeće ministara BiH.

S obzirom da je vozilo marke VW Golf 1.9 SDI, reg. br. 770-E-822, vlasništvo Parlamentarne skupštine Bosne i Hercegovine, značajno oštećeno u Banja Luci, 7. maja 2001. godine, potrebno je nabaviti novo vozilo.

Vrijednost navedenog vozila marke VW Golf 1.9 SDI, procijenjena je na 17.810,59 KM. Za zamijenu za novo vozilo marke VW Passat 1.9 TDI Comfo., čija je predračunska vrijednost 48.170,00 KM, potrebno je osigurati sredstva u visini od 30.360,28 KM., što uz 20% poreza na promet proizvoda, u iznosu od 6.072,00, ukupno iznosi 36.432,28 KM.

Komisiji su predočeni sljedeći prilozi: Zapisnik o procjeni štete na vozilu od 9. maja 2001. godine, Zapisnik o stanju rabljenog vozila, i Predračun za kupovinu novog vozila.

b) Komisija je, na zahtjev Ibrahima Đedovića, poslanika u Predstavničkom domu Parlamentarne skupštine Bosne i Hercegovine, jednoglasno donijela Odluku o isplati razlike poslaničkog paušala Ibrahimu Đedoviću, poslaniku u Predstavničkom domu Parlamentarne skupštine Bosne i Hercegovine.

Sjednica je završena u 13,35 sati.

PREDSJEDAVAJUĆI
KOMISIJE ZA ADMINISTRATIVNA PITANJA
PREDSTAVNIČKOG DOMA

dr. Sead Avdić

